

BAB DUA

KEDATANGAN KUASA PENJAJAH

2.1. Pengenalan

(Kedatangan kuasa Eropah ke Alam Melayu amnya dan Tanah Melayu khususnya adalah disebabkan oleh faktor ekonomi, politik dan agama. Mereka ingin membolot perniagaan rempah-ratus, dan juga kerana semangat kebangsaan, iaitu mahu menaikkan nama negara masing-masing.) Begitu juga dengan sikap permusuhan Eropah kepada agama Islam, khususnya di Semenanjung Iberia sebenarnya menjadi punca utama Portugis dan Sepanyol menuju ke Timur Jauh.) Ia kemudiannya diikuti oleh kuasa Eropah yang lain seperti British, Perancis, Amerika Syarikat dan sebagainya.)

(Pada masa itu , perniagaan rempah, sutera dan barang dari Timur melalui negara dan peniaga Islam kerajaan Turki. Selain itu juga, semangat peperangan Salib menentang Islam masih lagi berkobar-kobar di Sepanyol, dan gerakan Mahkamah Penyiasatan masih dalam proses menghapuskan saki-baki pengaruh Islam.) Berlatarbelakang kepada permusuhan inilah, Henry Pelayar sebenarnya menggunakan penaklukan Cueta, sebuah kota kerajaan Islam di Maghribi, sebagai kayu ukur untuk menilai kekuatan tentera Islam.

(Justeru itu, mereka telah meluaskan kekuasannya ke Alam Melayu yang membekalkan bahan mentah seperti rempah-ratus di samping menyebarkan agama Kristian.) Pada abad tersebut iaitu abad ke-15, Kerajaan Melaka merupakan sebuah pusat perdagangan di samping pusat penyebaran agama Islam.) Oleh itu penaklukan Melaka oleh Portugis merupakan kemenangan bagi Barat dan kejatuhan bagi institusi Islam.) Ini kerana

ia membawa kepada keruntuhan satu peradaban Melayu, contohnya Kesultanan Melayu Melaka.

2.2. Pergolakan di Eropah

Pada permulaan abad keenam belas, sebahagian besar penduduk Eropah beragama Kristian dan menganggap diri mereka sebagai anggota masyarakat Kristian. Masyarakat itu yang biasa dikenal sebagai peradaban Eropah yang berbeza dengan peradaban di benua-benua lain. Justeru itu, selama empat ratus tahun sebelum tahun 1500, agama Kristian dikenali sebagai Eropah, dan Eropah pula dikenali sebagai negara Kristian

Namun begitu sebelum identifikasi ini, negara Eropah mempunyai sejarahnya yang tersendiri. Sejarahnya boleh dibahagikan kepada tiga zaman utama iaitu Zaman Purba, Zaman Pertengahan, dan Zaman Kemajuan atau Moden. Dalam konteks Eropah, Zaman Purba merujuk kepada peringkat kegembilangan tamadun Yunani serta Romawi dan berakhir dengan keruntuhan Empayar Romawi pada sekitar 400M. Seterusnya Zaman Pertengahan pula dibahagikan kepada tiga peringkat iaitu zaman Pertengahan Awal, atau juga dikenali sebagai Zaman Gelap Eropah, dan Zaman Pertengahan Tengah yang dikenali sebagai Zaman Kemajuan Eropah ataupun Zaman Renaissance. Akhirnya, zaman moden pula bermula pada kira-kira tahun 1600 dengan kebangkitan Revolusi Sains yang mana pada peringkat ini telah berlaku proses penjelajahan dan panjajahan kuasa Eropah di dunia.

Kedatangan kuasa Barat ke Timur dikaitkan dengan zaman kebangkitan kuasa Barat pada abad ke-15. Bangsa Eropah sebenarnya telah terhutang budi kepada peradaban Islam terutamanya yang diperolehi dari Andalusia. Pada masa itu negara Barat masih lagi

berada di dalam kegelapan atau ‘*dark ages*’. Antara kemajuan ilmu yang diperolehi seperti ilmu pelayaran, geografi, astronomi dan sebagainya. (A.Syed Sulaiman Nadvi, 1992: 78).

2.2.1 Tamadun Islam di Andalusia.

Andalus atau disebut juga al-Andalus ialah istilah yang digunakan oleh ahli geografi Islam abad pertengahan, iaitu merujuk kepada wilayah pemerintahan Islam di Semenanjung Iberia. Ia meliputi negara Portugal dan Sepanyol moden. Andalusia ini terletak di selatan Sepanyol dan merupakan 2/3 daripada Sepanyol.

Menurut catatan sejarah, sejak dari zaman awal lagi, suku kaum Eropah dan Berber telah mendiami negeri itu. Kemudian diduduki oleh bangsa Phonecian pada awal kurun ke-10 sebelum Masihi. Ini diikuti pula oleh bangsa Korthaginian dan Rumawi. Ia terletak di bawah pemerintahan Rom sejak tahun 133 Masihi. Kemudian ia jatuh ke tangan orang-orang Yahudi dan Vandal pada abad ke-5 Masihi dan diikuti oleh pemerintahan Visigoth dari tahun 530 Masihi hingga kedatangan Islam. (Mahayudin Haji Yahaya, 1990 : I). Mereka menamakan bahagian selatan daerah itu dengan nama Vandalisa dan apabila kaum Muslimin menduduki daerah itu mereka menyebutnya dengan Andalus iaitu berasal dari kata Vandalisa yang disebut menurut lidah orang Arab.

Andalusia (sekarang Sepanyol) dan Portugal pernah berada di bawah pemerintahan umat Islam Bani Umaiyyah yang terdiri daripada zaman Abdul Rahman I al Dakhili (756-788M) sehingga pemerintahan Hisham III al-Mu’tadd (1027-1031M). (Mahayudin Haji Yahaya, 1990: 47-48) Mengikut sejarahnya, pembukaan Islam di Andalus di bawah pimpinan Tariq bin Ziyad dan Musa bin Nusair. Mereka berjaya mengalahkan tentera Kristian Visigoth yang dipimpin oleh Roderick di suatu lembah yang dikenali sebagai

'Wadi Lakkah' berhampiran dengan Medina Sidonia di dalam wilayah Cadiz. Peristiwa ini berlaku pada 7 haribulan Rabiulawal tahun 93 Hijrah. Setelah bertempur sengit akhirnya Roderick dan tenteranya berjaya ditewaskan. (Azam bin Hamzah, 1990: 10)

Oleh yang sedemikian, penaklukan tentera Islam ke atas Andalusia memberi nafas baru kepada peradaban Barat. Ini kerana pada masa pemerintahan umat Islam pada masa pemerintahan itu, mereka telah melakukan pembaharuan dan pembangunan terutamanya dari segi kemajuan ilmu pengetahuan. Manakala ibu kota Cordova dan Geranada telah menjadi sinar kebudayaan peradaban Islam di Eropah.

Ini menyebabkan orang-orang Yahudi dari Timur mulai membanjiri masuk. Cordova merupakan tempat tumpuan utama mereka kerana ia merupakan pusat kegiatan ekonomi dan politik. Mereka ini turut membangunkan sistem ekonomi dan pendidikan di Andalusia demi kepentingan masyarakat mereka.

Selain itu juga, Islam telah berkembang dengan begitu cepatnya di Andalusia. Ini kerana sikap toleransi Islam sendiri terhadap penganut Kristian. Mereka tidak dipaksa memeluk agama Islam tetapi hanya dikehendaki membayar membayar cukai jizyah kepada pemerintah Islam menurut kadar kemampuan mereka. Golongan kaya dikenakan sebanyak 48 dirham dan golongan atasan sebanyak 12 dirham. Manakala kaum wanita, kanak-kanak, paderi, orang cacat, orang tua, orang sakit, orang miskin dan hamba abdi dikecualikan daripada sebarang cukai. (Azam bin Hamzah, 1991: 12)

Sikap toleransi pemerintahan Islam terhadap agama Kristian telah mengakibatkan berlakunya pengasimilasian penganut Kristian Andalus dengan budaya Arab/Islam. Ramai orang Kristian yang menukar nama mereka mengikut nama Arab, meniru cara hidup

lahiriah orang Islam seperti berkhatan, meniru resepi masakan, bentuk pakaian dan sebagainya.

Selain daripada itu, pengajian bahasa Arab telah mengambil alih pengajian bahasa latin. Pada masa ini penganut Kristian tidak lagi mahir di dalam bahasa Latin. Peraturan-peraturan gereja dan kitab Bible terpaksa diterjemah ke dalam bahasa Arab. Keadaan ini telah menimbulkan kebimbangan pemimpin Kristian. Contohnya pada tahun 854 Masihi, seorang penulis Kristian telah meluahkan kebimbangan dan kekesalannya terhadap sikap penganut Kristian di negaranya yang telah mengabaikan bahasa Latin. Antara lain beliau menyatakan:

"While we are investigating their (i.e. the Muslim) sacred ordinances and meeting together to study the seats of their philosophers -not for the purpose of refuting their errors, but for the exquisite charm and for the eloquence and beauty of their language-neglecting the reading of the scriptures, we are but setting up as an idol the number of the beast. Where nowadays can we find and learned layman who, absorbed in the study of the Holy Scriptures, cares to look at the works of any of the Latin fathers?. Who is there with any zeal for the writings of the Evangelists, or the Prophets, or Apostles? Our Christian young men, with their elegant airs and fluent speech, are showy in their dress and carriage, and are famed for the learning of the gentiles; intoxicated with Arab eloquence they greedily handle, eagerly devour and zealously discuss the books of the chaldeans. (i.e.Muhammadans), and make them know by praising them with every flourish or rhetoric, knowing nothing of the beauty of the Church's literature, and looking down which contempt on the streams of the Church that flow forth from paradise; alas!the Christians are so ignorant of their own law, the Latins pay so little attention to their own language, that in the whole Christian flock there is hardly one man is a thousand who can write a letter to inquire after a friend's health intelligibly, while you may find a countless rabble of allkinds of them who can learnedly roll out the granciloquent periods of the chaldean tongue. They can even make poems, every line ending with the same letter, which display high flights of beauty and more skill in handling metre than gentiles themselves posses".('Sementara kita asyik menyelidiki hukum-hukum agama mereka (Islam) dan aliran-aliran falsafah mereka, bukan dengan maksud menyangkal kesalahan-kesalahan mereka, tetapi semata-mata tertarik dengan keindahan susunan gaya bahasanya, sehingga kita terlalai untuk membaca kitab Bible... Dimanakah kini kita boleh menemui seorang pemimpin agama (Kristian) yang tekun mempelajari Bible dan memperhatikan hasil karya

para sarjana Latin? Siapakah yang masih berminat mendalami tulisan ahli kitab Bible, tulisan Apostle? Pemuda-pemuda kita dengan kefasihan bahasa Arabnya, kemegahan pakaian ala-Arab dan minat mereka yang besar untuk yang berasal dari syurga. Alangkah dangkalnya orang-orang Kristian tentang hukum agamanya sendiri. Bahasa Latin amat sedikit mendapat perhatian mereka sehingga sukar untuk mencari seorang diantara seribu pengikut Kristian Andalus yang dapat menulis dengan baik di dalam bahasa Latin. Tetapi tidak terhitung jumlahnya mereka yang dengan lancar menulis, membaca, dan berbicara di dalam bahasa Arab. Malah mereka mampu mengubah syair-syair yang indah seolah-olah ianya bukan sesuatu yang datangnya dari luar. mempelajari sesuatu yang baru (daripada sarjana Islam), telah termakan racun keindahan bahasa Arab yang mereka pelajari dengan penuh minat dan semangat... Sebaliknya mereka tidak sedikitpun mengetahui keindahan kesusasteraan gereja') (T.W.Arnold, 1913: 137-138)

Demikianlah kehadiran Islam telah mengubah sama sekali corak dan sistem budaya masyarakat Andalusia yang sekaligus melemahkan penguasaan bahasa Latin di kalangan masyarakat tempatan. Keadaan itu terjadi sehingga memaksa pendita-pendita agama Kristian berusaha menterjemahkan buku-buku agama Kristian dan kitab Bible ke dalam bahasa Arab.

2.2.3. Sumbangan Tamadun Islam Andalusia Terhadap Peradaban Barat

Pada kurun ke-9 Masihi, proses pengislaman Semenanjung Iberia ini telah melahirkan banyak kemajuan yang penting khususnya di kalangan masyarakat bandar yang terdiri daripada orang Yahudi dan Kristian. Mereka ini telah diberi galakan didalam aktiviti penulisan dan pendidikan. Contohnya dalam aktiviti puisi, Abdul Rahman II amat menyanjung tinggi mereka yang berminat terhadap bidang tersebut.

Begitu juga dari segi pendidikan iaitu Cordoba dijadikan pusat pentadbiran dan intelektual yang utama di Andalus. Ia dijadikan tempat tumpuan penuntut dari seluruh negara untuk menimba ilmu daripada para sarjananya. Pusat ini telah mencapai

kecemerlangannya pada masa pemerintahan Abdul Rahman III dan anaknya al-Hakam II. Merekalah yang memberikan sokongan dan galakan kepada para intelek yang termasyhur ketika itu seperti Ibnu Abdul Rabbihu, al-Qali, al-Zubaydi dan Ibnu Qutiyah. (Azizan Baharudin, 1986: 2)

Dari segi pemikiran, kita dapatkan banyak kesan dan pengaruh pemikiran orang Islam Sepanyol telah dipindahkan ke negeri Barat. Ahli falsafah Islam, Ibnu Tufayl dengan karyanya '*Hayy Ibn Yaqzan*' yang mengungkapkan bahawa manusia boleh mengetahui Allah tanpa wahyu dan guru telah mempengaruhi pemikiran orang Barat. Karya ini telah diterjemahkan ke bahasa Latin oleh Roger Bacon dan diterbitkan bersama-sama teks Arabnya di Oxford pada tahun 1671.

Pengaruh ahli falsafah telah tersebar sehingga ke luar Andalus, khususnya ketika kemunculan dan perkembangan '*Skolatisisme*' Kristian dalam kurun ke-13 Masihi. Pada masa itu juga, bandar-bandar seperti Seville, Almeria, Badajoz, Granada, Toledo, Valencia, Malaga dan Devvia telah menjadi pusat tumpuan para sarjana untuk mendapatkan bantuan serta galakan daripada raja. (Mahayudin Haji Yahaya dan Ahmd Jailani Halimi, 1993: 361-369).

Selain itu juga, di dalam bidang matematik pula, ramai penuntut Eropah yang datang belajar di Sepanyol semasa pemerintahan Islam. Penuntut-penuntut ini telah muncul sebagai pakar dalam bidang tersebut, termasuklah Adelard dan Morley dari Britain. Adelard yang telah berguru dengan orang Islam Sepanyol telah menterjemahkan karya Khuwarizmi yang menulis teori geometri dalam matematik dan statistik. Beliau telah menggunakan nombor-nombor Arab dalam terjemahannya. Seorang lagi tokoh matematik Barat ialah Leonardo Fibonacci Of Pisa. Beliau telah mempelajari ilmu matematik dengan

orang Islam di Sepanyol. Karya-karya beliau dalam bidang matematik seperti ‘*Liber abe’ci*’ (1202 M) menjadi bacaan asas ahli-ahli matematik di Eropah. (Mahayudin Haji Yahaya, 1990: 102)

Bidang astronomi pula terdapat beberapa karya Abi Ma’syar dan Khawarizmi telah diterjemahkan ke bahasa Latin oleh Adelard of Bath dan John of Seville. Manakala karya al Battani telah diterjemahkan ke bahasa Latin oleh Alfonso X. Ahli astronomi Eropah bernama Raymond telah menulis karya-karya astronominya berdasarkan karya Ibnu al Zarqiyali. (Mahayudin Haji Yahaya dan Ahmad Jailani Halimi, 1992 :368-369).

Seterusnya di dalam bidang muzik pula, karya-karya penting yang dihasilkan oleh orang-orang Islam Sepanyol telah diterjemahkan ke bahasa Latin pada abad ke-12 Masihi. Terjemahan ini dilakukan di Toledo. Contohnya ahli muzik Barat, Franco of Cobogne telah mengikuti jejak langkah al Kindi dalam bidang seni muzik.

Selain itu juga terdapat ramai lagi tokoh-tokoh yang memberi sumbangan terhadap peradaban Barat. Antaranya seperti dalam bidang geografi terdiri daripada al-Idrisi (m.1115 M), Ibnu Jubayr (m. 1217 M), dan tabib Ibnu Zuhr (m.1162 M), ahli botani pula seperti Ibnu Baytar (m.1248 M), ahli mistik iaitu Ibnu Arabi (m.1269 M), ahli falsafah seperti Ibnu Bajjah (m.1269 M), Ibnu Rusyd (m.1198M) dan ramai lagi.(Azizan Baharudin, 1986: 3).

Oleh yang sedemikian, jelaslah kepada kita bahawa orang Islam Sepanyol telah memberikan sumbangan yang begitu besar terhadap perdaban Barat khususnya dari segi pemikiran dan pembangunan fizikal. Orang Islam Sepanyol juga telah menyedarkan masyarakat Barat yang masih berada di dalam zaman kegelapan kepada kemajuan. Justeru itu ia telah membawa kepada kebangkitan kuasa-kuasa Barat pada abad ke-16 Masihi. Ini

a peradaban Islam Sepanyol telah dibawa ke negeri-negeri Eropah oleh penuntut-tut mereka yang belajar di institusi pengajian tinggi Islam di Cordova, Seville, ga dan Granada.

Kejatuhan Kerajaan Islam di Andalusia/Sepanyol

Setelah mengalami kepesatan ilmu pengetahuan pada abad pertengahan, Tamadun di Andalusia telah mengalami kemerosotan. Ini adalah disebabkan berlakunya tangan sesama sendiridi antara dinasti-dinasti kecil di Andalusia. Kesempatan ini telah bil peluang oleh orang-orang Kristian yang telah menyatukan diri mereka untuk menakluki orang Islam dan mengusirnya dari Andalusia. (Drs.H.Kafrawi Ridwan, et.al, : 147). Penyatuan ini bermula apabila raja Kristian iaitu Ferdinand dari Aragon telah berkahwin dengan Isabella dari Castilia pada tahun 1469 Masihi. Langkah pertama yang dilakukan ialah memerangi orang Islam di Andalusia. Akhirnya mereka berjaya mengalahkan tentera Islam di bawah Dinasti Ahmar di Granada. Ia juga terkenal dengan nama Alhamra. Penaklukan ini berlaku pada 2 Januari 1492 Masihi iaitu bersamaan dengan 2 Rabiulawal 897 Hijrah

Setelah orang Kristian berjaya menguasai Andalusia, mereka telah melakukan tindakan Kristenisasi iaitu untuk memaksa masyarakat Andalusia menganut kembali agama Kristian. Mereka amat memusuhi orang Islam di Andalusia. Bagi menghancurkan tamadun Islam di Andalusia, Kardinal Ximeness de Cisneros telah menyingkirkan semua buku Arab yang menghuraikan tentang agama Islam dengan membakar khazanah tersebut. Terhannya pada tahun 1556 Masihi, Raja Phillip II (Raja Sepanyol) telah mengumumkan undang-undang agar kaum muslimin membuang kepercayaan, bahasa, adat-istiadat,

dan cara hidupnya. Seterusnya pada tahun 1609 Raja Phillip III (1598-1621) telah mengusir secara paksa semua kaum muslimin dari Andalusia . Mereka juga telah diberikan pilihan samada memasuki Kristian atau keluar dari Andalusia. (Drs.H.Kafrawi Ridwan,et.al, 1999: 148).

Oleh yang sedemikian, berakhirlah sebuah negara Islam di Eropah dan pada zaman ini juga telah berlakunya proses penjelajahan dan penjajahan kuasa Barat ke Timur. Ini disebabkan mereka telah mahir di dalam ilmu pelayaran khususnya Portugis setelah mendalami ilmu pelayaran Islam sebelum ini.

2.3 Kedatangan Kuasa Penjajah

Kedatangan kuasa Barat ke Timur dikaitkan dengan zaman kebangkitan kuasa Barat pada abad ke-15. Kedatangan kuasa Barat ke Timur bermula apabila kuasa Portugis berjaya menemui jalan laluan perdagangan yang baru di seluruh dunia bagi negara Eropah. Pada masa ini Portugal mempunyai kedudukan yang lebih baik iaitu di Lautan Atlantik. Ini menjadikan mereka satu bangsa pelaut yang sanggup mengatasi bahaya-bahaya di laut. Dalam masa Perang Salib yang lama melawan orang-orang Moor itu mereka membina sebuah angkatan laut yang kuat. Dalam usaha ini mereka menggunakan kemahiran pelaut-pelaut Genoa. Mereka mendahului lain-lain kuasa dalam pembinaan ‘kapal-kapal besar’ yang boleh memuatkan ramai orang untuk perjalanan yang jauh.

Di samping itu, pelabuhan-pelabuhan mereka yang utama iaitu Lisbon dan Oporto mempunyai perhubungan perdagangan dengan Laut Mediterranean dan utara Eropah. Pelabuhan itu juga mempunyai keamanan dan kestabilan politik, sedangkan England dan Perancis terlibat dalam perperangan dan kerajaan Diraja Sepanyol pula masih lagi

menghadapi tantangan orang Arab. Justeru itu Portugis telah mendahului kuasa-kuasa yang lain dalam penjelajahan di Lautan Hindi ini. Tambahan pula ilmu pengetahuan dan seni menjadi bertambah maju di Portugal hasil daripada semangat zaman pembaharuan Itali yang telah menembusi negeri itu, dan mendorong mereka keluar menjelajah apa saja yang baru dan yang belum diketahui. (A. Syed Sulaiman Nadvi, 1992: 48-49).

Raja Diniz merupakan pemerintah Portugal pada masa itu amat menggalakkan proses penjelajahan ini. Hasil bantuan dari orang Venice dan Genoa pada tahun 1300 Masihi, mereka telah membiayai ekspedisi perjalanan laut yang jauh. Orang yang bertanggungjawab terhadap ekspedisi ini ialah Putera Henry iaitu seorang pelaut. (W.N.Weech, 1981: 67) Beliau telah menghantarkan beberapa ekspedisi selepas tahun 1418 Masihi. Ini telah menambahkan semangat bagi Portugis untuk mengembangkan proses penjelajahan terutamanya bertujuan untuk agama serta mencari jalan laut ke Habsyah dan ke Guinea.

Di samping itu juga, kuasa Portugis telah berjaya menguasai Goa di India pada tahun 1509 dan menggelarkan diri mereka sebagai '*raja perdagangan Timur*'. (W.N.Weech, 1981: 67) Ini kerana mereka mempunyai kapal-kapal yang lebih baik buatannya dan lebih lengkap dengan senjata. Mereka juga berjaya mengekalkan kedudukan yang lebih baik daripada kuasa Eropah yang lain.

Pada masa yang sama juga, kuasa Portugis telah menguasai jalan perdagangan rempah di Timur. Mereka juga telah berminat untuk berdagang di Alam Melayu terutamanya Melaka bagi mendapatkan hasil bahan mentah. Justeru itu bagi memonopoli proses perdagangan ini, mereka telah menakluki Melaka pada tahun 1511 Masihi yang diketuai oleh Alfonso de Albuquerque. Beliau telah dihantar sebagai wizirai untuk

nengukuhkan pusat-pusat perdagangan yang berselerak di seberang laut menjadi empayar.

Zainal Abidin Abdul Wahid, et.al, 1992: 58-59).

(Penaklukan kota Melaka ialah bermulanya proses penjajahan kuasa Barat di alam Melayu dan berakhirnya sebuah institusi Kesultanan Melayu Melaka. Ini kerana pemerintahnya iaitu Sultan Mahmud terpaksa melarikan diri ke Johor Riau dan nentubuhkan kerajaan di sana. Selain Melaka, Portugis telah mengembangkan pengaruhnya di Maluku pada 1522-1575 Masihi, di Maluku lebih kurang pada tahun 1520 Masihi. Mereka juga telah melibatkan diri di Nusantara iaitu di Timor-Timor, Solor, dan Flores. Kawasan ini merupakan pelabuhan yang menguasai jalan pelayaran dan perdagangan serta sumber rempah-ratus dan kayu cendana.

(Selain daripada kuasa Portugis, orang Sepanyol pula datang ke Alam Melayu pada tahun 1520 Masihi. Mereka menempatkan diri di Cebu dan Panay pada tahun 1568. Penaklukan di Filipina bermula pada tahun 1571 setelah Kota Manila jatuh ke tangannya dan menjadikan ibu kota tanah jajahan yang telah didapatkannya bagi Raja Phillip II.) Seterusnya mereka menakluki Pulau Luzon, Pulau Visaya, dan Zamboaga di Mindanao pada tahun 1638 Masihi. Mereka mahu melumpuhkan kekuatan kerajaan Islam di Mindanao dan Pulau-pulau Sulu. Manakala pada tahun 1876, Sepanyol telah berhasil menduduki Jolo. (A.P.Lapian, 1975: 4).

Penaklukan Filipina oleh Sepanyol dicapai tanpa pertumpahan darah. Satu sebabnya ialah Raja Phillip II tidak mahu pertumpahan darah yang berlaku dalam penaklukan Mexico dan Peru diulangi di Filipina. Ia juga disebabkan di kalangan orang-orang Moro di Mindanao tidak terdapat kuasa politik yang sebenar-benarnya. Satu-satunya badan politik yang ada hanyalah apa yang dipanggil ‘barangay’, tetapi ini adalah satu

kumpulan keluarga yang kecil sahaja. Oleh itu tentangan yang terdapat hanya berlaku pada satu tempat sahaja. Tapi apa yang lebih penting lagi ialah Phillip II melantik seorang paderi Augustin bernama Andres de Urdaneta sebagai pemerintah angkatan itu. Matlamat mereka ialah untuk mengkristiankan penduduk yang baru dijajah itu serta memberi pemerintahan berdasarkan kepada arahan ‘Paus’.) (D.G.E.Hall, 1987: 298).

Sepanyol menakluki Filipina kerana mempunyai tiga tujuan yang utama iaitu untuk turut serta dalam perdagangan rempah, untuk mengadakan perhubungan dengan China dan Jepun supaya membolehkan mereka memperkenalkan agama kristian, dan untuk mengkristiankan orang Filipina sendiri. Namun begitu ia hanya berjaya mencapai tujuan yang ketiga sahaja. Ini kerana Filipina tidak menghasilkan rempah-ratus, tambahan pula kawasan penghasilan rempah iaitu kepulauan Maluku telah dikuasai Portugis.

Kerajaan Sepanyol di Filipina menyedari bahawa Filipina tidak mempunyai rempah-ratus atau emas dan perak. Justeru itu mereka mengadakan perdagangan dengan negara China dan Jepun untuk dapat berdiri sendiri. Selepas tahun 1580, mereka berjaya menarik pedagang-pedagang Asia ke Manila. Ini menjadikan Manila sebagai tempat tumpuan pedagang-pedagang dari China, Jepun, Siam, Kemboja dan Pulau-pulau Rempah.

Sebelum akhir abad ke-16, perdagangan antara Sepanyol dengan China adalah pesat. Kapal-kapal Sepanyol dari pelabuhan Acapulco di Mexico membawa ke Manila wang dan jongkong perak dengan mana mereka dapat membeli kain sutera, baldu, tembikar, gangsa, dan batu permata dari China. Oleh kerana terlalu banyak wang ringgit Mexico masuk ke pelabuhan-pelabuhan perdagangan China di Kanton, Amoy, dan Ningpo hingga ia menjadi alat pertukaran dalam perdagangan antarabangsa di Timur Jauh.(

D.G.E.Hall, 1985: 300) Pemerintahan mereka berakhir dengan kadatangan Amerika Syarikat setelah menjajah selama dua abad.(A.P.Lapian, 1975: 4)

Seterusnya kedatangan kuasa Belanda di Alam Melayu pada tahun 1596 bermula apabila berjaya memasuki perairan Indonesia. Mereka menjadikan tempat tersebut sebagai loji perdagangan untuk hasil dagangan. Mereka telah menujuhkan VOC (Syarikat Hindia Timur Belanda) pada tahun 1602 yang bertujuan untuk mengelakkan persaingan dengan kuasa Barat yang lain. Belanda telah menjalankan dasar monopoli perdagangan. Ini telah memberi tekanan ekonomi dan politik kepada penduduk tempatan.

Di samping itu juga, Belanda terus meluaskan kekuasaannya di Jayakarta pada tahun 1619. Setelah itu, 2 tahun kemudian ia ditukar kepada Batavia (Betawi) untuk dijadikan pusat kompeni pada waktu itu. Sebelum ini mereka telah mempunyai benteng pertahanan di Amboin (1605) dan Ternate (1607). Namun begitu, mereka tetap meluaskan pengaruh mereka di Banda pada tahun 1621 dan menguasai Melaka pada tahun 1641. Pada masa itu mereka pun sudah ada loji di Aceh, Patani, Johor, dan beberapa pelabuhan di pantai utara pulau Jawa.

Kedudukan Belanda di Sulawesi Utara menjadi lebih kuat setelah benteng Amsterdam didirikan di Menado (1657). Manakala di Sulawesi Selatan Kompeni berhasil setelah ditandatangani perjanjian Bonggaya yang memungkinkannya mendirikan benteng Rotterdam di Ujung Padang (1667). Di Sumatera Barat, perjanjian Painan (1663) memberikannya monopoli perdagangan lada dan pembebasan dari kewajiban membayar bercukai, sebagai imbasan kepada raja-raja bumiputera dijanjikan potensi kompeni. Di pantai timur VOC mengadakan perjanjian pertama pada tahun 1643 dengan Sultan Jambi.

Selain itu juga pada abad ke-17, Kompeni cuba meluaskan pengaruhnya di Pulau Jawa. Banten mengakuinya pada tahun 1684, dan dengan melibatkan diri dalam perang Mataram. VOC beransur-ansur mendapatkan Priangan dan Semarang (1677) dan daerah pesisir lainnya (1743). Puncak dari politik interversi adalah pada tahun 1755 ketika Kompeni ikut menyetujui pembahagian kerajaan Mataram yang telah dititipkan kepadanya oleh Pakubuwono II.

Namun begitu, pada akhir abad ke-18, sebahagian besar dari benteng-bentengnya di Kepulauan Indonesia jatuh ke tangan Inggeris. Pada tahun 1811, Gabenor Jeneral Janssen harus menyerah kepada Inggeris yang berkuasa hingga tahun 1816. Pada waktu itu, Belanda masih lagi berkuasa di Batavia dan di daerah-daerah yang dikembalikan oleh Inggeris kepadanya. Wilayah ini yang sejak itu disebut Hindia Belanda mengalami perluasan selama abad ke-19, iaitu setelah Belanda menang di dalam beberapa perang kolonial seperti Perang Patimura (1817), Perang Diponegoro (1837), Perang Padri (1837), Perang Bone (1859), Perang Banjarmasin (1863), Perang Lombok (1894) dan Perang Aceh (1904). (A.P.Lapian, 1975: 6) Justeru itu pada tahun 1912, Belanda telah membanggakan diri bahawa '*pembulatan*' Hindia Belanda telah selesai oleh mereka.

Selain daripada Belanda, British, juga amat berminat untuk mencuba nasib di Kepulauan Melayu. Ia bermula apabila zaman Revolusi Industri pada pertengahan kedua abad ke-18 sedang berlaku dengan hebat di Eropah. Revolusi ini menyaksikan kemajuan sains dan teknologi dalam bidang pertanian, perindustrian dan pengangkutan. Ia memerlukan barang dari Timur seperti kapas, bijih timah dan barang mentah lain dalam industrinya. Justeru itu mereka cuba memperluaskan kekuasaan ke Timur. Pada

waktu itu England tidak mempunyai monopoli mutlak dan bersaing dengan kuasa Portugal, Belanda, dan Sepanyol (Sivachandralingam Sundara Raja, 1997: 47).

Pada abad ke-18 pula ia terpaksa bersaing dengan satu lagi kuasa besar iaitu Perancis. Revolusi Perancis dan kemunculan Napoleon Bonaparte dengan dasar sekatan ekonomi telah mengubah keadaan. Ini ditambah lagi dengan Revolusi Industri yang telah menghasilkan barang lebihan yang perlu dipasarkan ke luar empayar. Dalam keadaan ini, British mula memandang ke pasaran-pasaran di Timur, Hindia Barat dan kawasan-kawasan lain.

Kawasan Timur pula merupakan salah satu kawasan yang menarik minat British pada awal abad ke-19. Faktor-faktor luar dan dalam negeri telah mendorong British memandang ke pasaran Timur. Faktor-faktor luaran termasuklah Dasar Kebenuaan Napoleon, peperangan dengan Amerika, dan kesan zaman meleset akibat perang. Faktor dalam negeri pula termasuklah kesan Revolusi Industri, peranan ahli-ahli ekonomi, tekanan golongan radikal, peranan golongan '*Utilitarian*' dan agama dan tekanan pedagang Manchester.(Sivachandralingam Sundara Raja 1997: 47).

Selain itu, keperluan England memandang ke Timur juga bertujuan untuk mengimbangi perdagangan dengan negara China. Perdagangan Timur khususnya dengan China menjadi penting kerana membekalkan teh yang menjadi minuman kegemaran penduduk masyarakat British dan juga Eropah. (Greenberg M, 1951: 3). Antara tahun 1792-1807 barang yang dibawa dari Canton ke British oleh Syarikat Hindia Timur Inggeris bernilai 27,127,006 pound sterling, manakala eksport British ke Canton pula hanya bernilai 16,602,338 pound sterling. (Greenberg M,1951: 8). Jelas di sini bahawa perdagangan dengan negara China telah merugikan England dan mereka mula mencari

jalan bagi membekalkan barang yang dapat diterima oleh China dan menguntungkan serta dapat menampung kos import teh. Peluang ini diperolehi apabila monopoli perdagangan Syarikat Hindia Timur Inggeris dengan India dibuka kepada pedagang-pedagang persendirian pada tahun 1813.

Kepesatan perdagangan dengan negara China mendesak Syarikat Hindia Timur Inggeris mencari sebuah pelabuhan persinggahan di sekitar Kepulauan Melayu untuk memudahkan kapal-kapalnya berlabuh, memperlengkap, mengisi dan menunggu tiupan angin monsun yang sesuai untuk membawa mereka ke negara China atau balik ke India. (Courtenay P.P, 1972: 64). Ia juga berperanan sebagai pusat pengumpulan barang Kepulauan Melayu untuk dihantar ke negara China dan sebagai pengkalan tentera untuk menentang pengaruh Belanda atau Perancis. British telah membuka loji mereka di Bangkahulu. Dalam masa yang sama Belanda telah mempunyai loji-lojinya di Jakarta, Maluku, Ujung Padang, Banten, dan sebagainya lagi.

Sehubungan itu juga pada abad ke-18, Syarikat Hindia Timur Inggeris lebih memusatkan perhatiannya di Sub-Kontinen India. Mereka mulai mencari pengkalan di sebelah timur Teluk Benggala, terutamanya dalam hubungan jalan dagang di Tiongkok. Pada masa yang sama juga, suasana perang di Eropah antara Inggeris dan Sepanyol memberi kesempatan bagi pihak pertama untuk menduduki Manila (1762-64), dan sebagai akibat perjanjian dengan Sulu, Inggeris pernah menduduki Pulau Balambangan di sebelah utara Kalimantan (1773-75).

Pembukaan Pulau Pinang oleh Francis Light pada tahun 1786 bagi pangkalan Inggeris amat menguntungkan mereka. Ia dijadikan sebuah pelabuhan bebas dan berjaya menarik pedagang-pedagang dari Kepulauan Melayu, India, dan Burma. Mereka tertarik ke

situ kerana tidak dikenakan cukai seperti yang diamalkan oleh raja-raja tempatan dan kuasa Belanda. Taraf pelabuhan bebasnya telah memudahkan barang dari kawasan ini membanjiri pasaran Timur. Harganya yang rendah kerana dikecualikan daripada duti telah meningkatkan penggunaan barang tersebut di Kepulauan Melayu. (Courtenay P.P, 1972: 60).

Pulau Pinang berjaya menguasai hampir kesemua perdagangan negeri-negeri jiran kerana pihak Inggeris sanggup menawarkan harga yang tinggi untuk barang tempatan. Apabila British menduduki Melaka pada tahun 1795, perdagangan Pulau Pinang dan negeri-negeri Melayu telah menjadi semakin pesat. Antara barang Kepulauan Melayu yang dieksport ke Eropah, China, dan India termasuklah bijih timah, lada hitam rempah, rempah, kayu-kayan, sarang burung, dan beberapa barang tempatan lagi.

Keperluan mengumpul hasil Kepulauan Melayu menjadi lebih menonjol setelah tamat monopoli Syarikat Hindia Timur Inggeris dengan India pada tahun 1813. Pedagang-pedagang persendirian pula meluaskan perdagangan mereka dan perkembangan ini membawa kepada kemunculan Singapura pada tahun 1819 yang memainkan peranan sebagai pusat pertemuan pedagang-pedagang persendirian untuk mengumpulkan barang daripada kawasan Kepulauan Melayu untuk diperdagangkan dengan negara China.

Pada tahun 1786, British melalui tipu daya yang dilakukan oleh Francis telah berjaya memperolehi Pulau Pinang daripada Sultan Kedah. (Thow Eng Kee, 1994: 1). Light telah berjaya memajukan Pulau Pinang sebagai sebuah pelabuhan bebas. Dalam masa yang sama Pulau Pinang juga dijadikan oleh British untuk menyaangi kuasa Perancis di Timur. Kejayaan Stamford Raffles memperolehi Singapura daripada Sultan Johor juga memperlihatkan bahawa keseriusan pihak British untuk menyaangi pengaruh

dan monopoli perdagangan Belanda di kawasan Timur. (Syed Hussein Alatas, 1971: 28-29).

Hal ini disedari oleh Belanda dan untuk menyekat pengaruh British di Kepulauan Melayu yang lain seperti Kepulauan Indonesia, pihak Belanda telah membuat sekatan lingkungan monopoli perdagangan antara Belanda dan Inggeris. Justeru itu, pada tahun 1824, perjanjian Inggeris-Belanda telah ditandatangani. Perjanjian ini mengesahkan Bangkahulu ditukarkan dengan Melaka sebagai salah satu dari traktat London. Perjanjian Inggeris Belanda ini juga menjelaskan lagi tentang sempadan atau lingkungan kekuasaan masing-masing iaitu antara Belanda dan Inggeris.

Selain daripada Melaka, Pulau Pinang dan Singapura (1819), Inggeris telah meluaskan kekuasaanya ke negeri Melayu. Mereka telah memasuki pemerintahan Kerajaan Melayu seperti di Perak (1874), Selangor (1876), Pahang (1888), Negeri Sembilan (1895) sebagai penasihat kepada sultan-sultan Melayu. Kesemua negeri ini diletakkan dibawah pentadbiran mereka dengan nama Negeri-negeri Melayu Bersekutu. Sistem penasihat British ini juga dikenali sebagai sistem Residen.

Pihak British terus meluaskan kekuasaan mereka ke atas negeri-negeri Melayu yang lain seperti Kedah, Perlis, Kelantan, dan Terengganu melalui Perjanjian Bangkok antara British dengan Siam pada tahun 1909. Oleh itu secara tidak langsung keseluruhan negeri Melayu telah jatuh ke tangan British atau pun Inggeris. Mereka menamakan negeri-negeri tersebut sebagai Negeri-negeri Melayu Tidak Bersekutu.

Selain Inggeris, Perancis juga meluaskan kekuasaanya di Alam Melayu. Ia bermula pada pertengahan abad 19 yang bertujuan untuk bersaing dalam perdagangan di Asia

Tenggara. Mereka telah membentuk ‘*Compagne d' Orient*’ (1642), ‘*Compagne des Indes Orientales*’ (1664), dan ‘*Compagnie des Indes*’ (1719) di dalam aktiviti perdagangan. Pada tahun 1862, Perancis telah menduduki Cochin-China. Ini bermulalah kekuasaan Perancis ke atas Vietnam. Selain Cochin-China, Perancis telah menempatkan diri ke Pegu, dan Arakan. Kekuasaan Perancis ini membimbangkan pihak Inggeris. Malahannya pada awal abad ke-19, kapal-kapal Perancis dikatakan telah singgah di pelabuhan Melaka dari pantai Jawa. Ia juga dikatakan telah membekalkan 10 ribu pucuk senjata kepada Raja Cochin-China pada tahun 1819. Kegiatan Perancis juga terlihat di Siam dan Pondicherry. Manakala di Aceh, pemerintahnya telah menerima penasihat Perancis yang bernama L'Etoile dan ini turut membimbangkan Inggeris. (Sivachandralingam Sundara Raja, 1997: 86).

Kompeni-kompeni dagang dari Denmark, Sweden, Belgium dan Amerika pernah mencuba untuk meluaskan kekuasaanya di Alam Melayu pada abad 17 dan 18. Antaranya pada tahun 1800, Amerika telah menghantar kapal tenteranya bernama ‘*Essex*’ ke Selat Sunda untuk melawan pemusnahan British ke atas perdagangan mereka di Asia Tenggara. Kapal-kapal dagang Amerika ditemui di Pontianak, Ujung Salang dan di Selat Melaka pada awal abad ke-19. Pada tahun 1815, kapal perang Peacock dihantar ke Pantai Jawa untuk melindungi perdagangan mereka. Ini amat membimbangkan British di atas kemaraan kuasa-kuasa asing di Utara Semenanjung Tanah Melayu terutamanya Perancis. (Dipetik dari Journal of South East Asian Studies, Minton F. Goldman, 1972: 210).

Kesimpulannya mulai abad ke-15 M, negara-negara Eropah seperti Portugis, Belanda, Sepanyol, Perancis, dan juga British telah beriminat dengan dunia Timur. Portugis merupakan kuasa Barat pertama yang menguasai Tanah Melayu. Kemudiannya

diikuti oleh Belanda dan British. Perkembangan revolusi Industri di Eropah menyebabkan kilang-kilang mereka memerlukan bekalan bahan mentah yang mencukupi untuk memastikan industri tidak terjejas. Oleh itu mereka ini yang pada mulanya datang untuk berdagang akhirnya telah menjajah negara-negara Timur. Ini telah memberikan kesan terhadapan peradaban masyarakat Timur. Kesan tumpuan dalam kajian ini ialah terhadap Tanah Melayu.